

فرسان العشر الأواخر .. #أدركوا_اللحظة_الفارقة .. د . حازم

شومان

حازم شومان

سلام عليكم ورحمة الله وبركاته. اخواني واخواتي في الله كل سنة وانتم طيبين. ادركوا اللحظة الفارقة. فيه سور من سور القرآن يا جماعة بلا مقدمات. زي سورة محمد كده الذين كفروا وصدوا عن سبيل الله. اضل اعمالهم ما فيش الف لام ميم ما فيش يعني الجو اعلان تعبئة عامة. حالة طوارئ - [00:00:00](#)

العشرة الاواخر يا اخواني في الله العشرة الاواخر نجمع الفتوحات مجمع النفحات مجمع تنزل عطاءات الله واصطفاءات الله سبحانه وتعالى ادركوا اللحظة الفارقة فرسان العشرة الاواخر. هنتكلم النهاردة بازن الله عن اخطر لحظة في حياتنا. وخطر ليلة في حياتنا لو فزنا بها حياتنا كلها هتتغير. الليلة اللي - [00:00:21](#)

عليه الصلاة والسلام اعتكف شهر كامل عشان ليلة القدر الليلة اللي بيتكتب اقدار السنة كلها فيها. رزقك السنة دي هتتجوزي ولا لأ ؟ هتنجبي ولا لأ ؟ هتشفى اكثر من مرضك ولا لأ هيتفتح لك ابواب في الدين ولا لأ ؟ هيتفتح لك ابواب في الدنيا ولا لأ ؟ ليلة القدر القدر احيانا من معانيه في اللغة التضييق - [00:00:41](#)

اللي الملايكة بتبقى عددها في الارض اكثر من عدد الحصى على وجه الارض فتضييق الارض بالملائكة الليلة دي تخيلوا ان فيه ناس مش حاسة بها وفيه ناس مش مستعدة لها. النبي عليه الصلاة والسلام علمنا ان فيه حاجة اسمها حرم ليلة القدر. يعني ايه ؟ يعني ليلة القدر دي مش ليلة. النبي اعتكاف بالليل وخلص. النبي عشر تيام انعزم - [00:01:01](#)

عن الدنيا. زوجة النبي عليه الصلاة والسلام ام المؤمنين رضي الله عنها وارضاهها. كان عندها نزيف. يعني المفروض تروح مستشفى الطوارئ. المفروض يعني دي واحدة بتموت. ثم انها تعتكف في المسجد النبوي العشر الاواخر. وكانوا يضعون الطاسة تحتها. يعني تخيلوا بتنزف نزيف موت ومصمة ليه ليلة القدر. ليلة - [00:01:21](#)

القبر خير من الف شهر. يعني تخيلي ليلة احسن من الف رمضان عند ربنا. ليلة لو اتشال بس ليلة القدر من رمضان الف رمضان عند ربنا ليلة واحدة بس تعديهم هو ربنا كريم اوي كده يا جماعة. هو ربنا واسع اوي كده يا جماعة. هو ربنا ممكن ينقل دفننا النقلة الرهيبة دي في صحيفتنا وفي درجات الجنة وفي - [00:01:41](#)

كت نبيه وفي تغيير حياتنا وفي مصالحتنا مع الله سبحانه وتعالى. ليلة بقرن من الزمان قرن ليلة القدر خير مش بالف شهر. خير من الف شهر. ليلة قرن قرن كامل. ميت سنة نهارهم كله صيام وليلهم كله قيام. يتحطوا في صحيفتك وفي ميزانك في ست - [00:02:01](#)

اربعة ساعات مين اللي يفرط في الليلة دي ومين اللي ما يستعد لهاش ؟ فرسان العشر الاواخر. العشر الاواخر هي الفترة الوحيدة اللي حبيب الله محمد عليه الصلاة والسلام حصيرة يعني ربنا قال له ولا تعد عيناك عنهم. عينيك على الصحابة ليل نهار. العشر تيام الواحات في الدنيا اللي النبي عليه الصلاة والسلام اعتكف واعتزل - [00:02:21](#)

قعد في حجره كده جوة المسجد النبوي حجرة عملها لنفسه من الحصين هم العشرة الاواخر. عشان ليلة القدر ليلة القدر لما النبي عليه الصلاة والسلام علم ان فيه ليلة قدر في - [00:02:41](#)

رمضان فاعتكف العشرة الاوائل عشان يصيبها. فلما خلصم فجاي يفك الخباء نزل جبريل. قال له ان الذي تطلب امامك ليلة القدر لسه مش في العشرة الاوائل فالنبي نصب خباؤه ثاني عليه الصلاة والسلام واعتكف العشرة الاواسط وهو جاي يفك خباؤه يوم عشرين

بالنهار السنة دي ليلة القدر فيها كانت ليلة واحد وعشرين - 00:02:51

صحيح البخاري النبي جاي يفك خباؤه يوم عشرين بالنهار يعني ممكن انت هتياشي في اللحظة اللي الباب هيتفتح فيها. يا ابخته اللي هيصبر على ربنا يا بختها اللي هتصبر في معاملة ربنا. يا بخته اللي هيثق في امر الله وهيفضل واقف على الباب لآخر لحظة في

حياته. النبي بيحك خبائه يوم عشرين - 00:03:11

عطيني ساعتين والملايكة هتبقى اكثر من عدد الحصى على وجه الارض. ساعتين وهيحصل الاحتفال الكوني السنوي بتنزل القرآن.

المجيد ساعتين قبيل الخلق كلها تتكتب السنة اللي بعدها من فتوحات في الدين والدنيا. ساعتين النبي بيحك الخباء. نزل جبريل.

شف لما ربنا يغيثك بقى. قال له ان الذي تطلب - 00:03:31

لسة في العشرة الاواخر النبي عليه الصلاة والسلام نصب اعتكافه ثاني وكانت في هذه السنة ليلة واحد وعشرين لما النبي عرف انها

ليلة واحد وعشرين برضو ما خفكش كمل لنهاية الشهر عليه الصلاة والسلام شهر كامل النبي عليه الصلاة والسلام معتكف وسايب

الدنيا كلها عشان ليلة القدر. ام المؤمنين بتموت وصممت - 00:03:51

تعتكف عشان ليلة القدر. ليلة القدر دي اعظم عزاء في حياتنا. كما قال الله عز وجل ليلة القدر خير من الف شهر. الف شهر ايه؟ الف

شهر يا عبادي فبعض المفسرين قال كده يعني الف رمضان الف شهر نهاره الصيام وليله قيام. اللي هو رمضان يا جماعة. ليلة القدر

افضل من الف رمضان. عشان كده النبي - 00:04:11

عليه الصلاة والسلام. قال حديس يقطع القلب عن ليلة القدر. لما النبي عليه الصلاة والسلام قال قد حضركم شهر رمضان فيه ليلة خير

من الف شهر ان حرم خيرها فقد حرم الخير كله. لو صمت طول السنة. وقمت طول السنة وراحت عليك ليلة القدر انت محروم -

00:04:31

فقط حرم الخير كله ولا يحرم خيرها الا محروم. فيه ناس بتضحى بحياتها. عشان آآ يفتنى. فيه ناس بتضحى بحياتها عشان وزيفة

حلوة. فيه ناس بتضحى بحياتها عشان شوية فلوس. او فيه شباب ضحوا بعمرهم عشان جرك مخدرات. فيه ناس بتضحى بحياتها

عشان بنت حلوة. فيه ناس - 00:04:51

بتضحى بحياتها انت تخيل بقى الليلة اللي خير من الف شهر عبادة دي. تستاهل قد ايه؟ بعض المفسرين قالوا لأ مش خير من الف

شهر عبادة. ده خير من الف شهر جهاد في سبيل - 00:05:11

عشان الامة دي اعمارها قصيرة تلحق بقى الناس اللي من ايام سيدنا نوح. والناس اللي كانت اعمارها بمئات السنين فتقدر ان في ليلة

واحدة تحصل قرن كامل جهاد في سبيل الله. يعني ليلة عبادة تبقى احسن من ميت سنة جهاد في سبيل الله. هي العبادة في المواسم

سواها كبير قوي كده. هي الاستعداد - 00:05:21

الايماني وشحن القلب بالايمان ما هو اللي هيقتنص هذه المواسم؟ ده اللي بكرة هيخرج يجاهد ويغير العالم كله. فربنا خلى ليلة افضل

من الف شهر جهاد في سبيل الله. ايه ده يا جماعة؟ ايه المعنى الجبار ده؟ يعني يعني الليلة دي عايضة استقتال بقى دي حياة

وموت. فيه بعض المفسرين قالوا خير من الف شهر من - 00:05:41

في عمل من الاعمال الصالحة بقى. عموما انسان مجتهد في كل الاعمال الصالحة. هذه الليلة في العشر الاواخر. العشر الاواخر هيبدأوا

امتى؟ اعملوا بوسطات على الفيس. عرفوا الدنيا كلها الاربعة اللي جاي بالليل. ليلة واحد وعشرين. اول ليلة من الليالي العشر الاواخر

الاربعة اللي جاي. احنا النهاردة الجمعة. الاربعة اللي جاي بالليل - 00:06:01

بازن الله سبحانه وتعالى يعني مع مغرب آآ غروب شمس يوم الاربعة اللي جاي هيبقى ليلة واحد وعشرين رمضان الاربعة بالليل. طيب

هي امتى بقى؟ ربنا قال وما ادراك ما ليلة القدر! وما ادراك! وما ادراك ليلة القدر! المرة اللي النبي عليه الصلاة والسلام راح عشان

يعرف الصحابة بها تلاحم. الصحابة اتخانقوا - 00:06:21

ربنا رفعها يعني ايه؟ يعني العلماء جمهور العلماء على ان ليلة القدر متنقلة ما عادتش سابتة بقى. ما عادتش سابتة في معاد واحد

بسبب خلاف بسبب خلاف تتحرم من ان احنا نعرف ان هي ليلة خمسة وعشرين مسلا بس او ليلة تسعة وعشرين مسلا خلاص سابتة

بسبب خلاف ما بين اثنين مسلمين تخيلوا احنا بنخسر قد ايه بسبب خلافات - 00:06:41

مع بعض. ليلة القدر الليلة اللي بتخلي لك قدر اصلا. ما هو العلماء قالوا يعني ايه؟ انا انزلناه في ليلة القدر. يعني ايه ليلة القدر؟ قال له

ليلة القدر يعني الليلة اللي بيتكتب فيها - 00:07:01

اقدار السنة. يعني السنة دي ربنا يفتح عليك قد ايه في الدين؟ في الايمان في الفهم. في الفلوس في سداد الديون في المركز في الرقي. في في في فتح ابواب جديدة في حياتك في الشهادة هتأخذ شهادة ولا أنت مقدم في ماستر ولا في ام دي ولا في زمالة ولا

في بورد ولا ولا بتحضري شهادة - 00:07:11

فانت في بكالوريوس ولا انت هتأخذ ايه؟ هتكسب ايه؟ دي الليلة دي. الليلة دي بقول لكم يا جماعة خير من الف شهر جهاد. يعني لو

لو وراك جهاد اقعد بقى - 00:07:31

اقعد في لو جهاد نفل طبعا اقعد بقى ايه ركز في هذه الليلة العظيمة وفي هذا الوقت الرهيب. ليلة القدر قالوا كتابة اقدار البشر. في

هذا العام. قالوا الحاجة الثانية - 00:07:41

آ ليلة القدر قالوا من آ القدر القيمة. عشان كده السورة اللي قبل سورة القدر ايه؟ سورة العلق. العلق ده انسان معلق في رحمة الله انسان علقة العاق. يعني كلكم معلقين في رحمة الله. كلكم ضعفاء. فجأة السورة اللي بعدها القدر. العلقة بقى لها قدر. العلقة ملايكة

السموات كلها نازلة لك - 00:07:51

العلقة وربنا مديها السواب ده والرفعة دي كلها بسبب القرآن. بسبب ان دي انا انزلناه نزول القرآن في هذه الليلة. فسورة اقرأ سورة العلق اتكلمت عن اول ليلة قدر في الامة. اقرأ وربك الاكرم اول ليلة قدر. لما جبريل نزل على النبي عليه الصلاة والسلام. سورة القدر

بقى اتكلمت عن ليلة القدر - 00:08:11

قدر مدى الحياة بقى. الى ان يرث الله الارض ومن عليها. سورة اقرأ اتكلمت عن مجاهدتك. اقرأ وربك الاكرم. اسجد واقترب. طب

انت لما بتقعد جرب بقى لما بتجاهدي ربنا بيديك اصل انت كل مجاهدتك مش هتوصلك. فربنا بيديك بقى النفحات اللي بتنقلك

نقلات صاروخية. زي ليلة القدر - 00:08:31

كده فبعد اسجد واقترب بعد المجاهدة جه الفتح من الله وجه الاكرام من الله سبحانه وتعالى. ليلة القدر قالوا ليلة التضييق فظن ان لن عليه اي ان لم تضيق عليه. قالوا لان الارض تضيق بالملائكة في هذه الليلة. طب الليلة الجبارة العظيمة اللي نزل فيها القرآن من عند

الله الى بيت العزة في السماء - 00:08:51

الدنيا دي الليلة الجبارة دي امتى وما ادراك ما ليلة القدر. اول حاجة ربنا خفى هذه الليلة. الليلة دي ما حدش عارف انه في مكان في

العشرة يعني ممكن تطلع ليلة واحد وعشرين في صحيح البخاري انها جت ليلة واحد وعشرين. لما النبي عليه الصلاة والسلام شاف

رؤيا ان ليلة القدر هيسجد فيها في ماء وطين شنت - 00:09:11

الدنيا ليلة واحد وعشرين وطبعا المسجد النبوي بقى ما كانش فيه السقف والكلام ده. النبي سجد في ماء وطين. فجت ليلة واحد

وعشرين. ده كلام مؤكد. صحيح البخاري. طب ينفع ليلة - 00:09:31

وعشرين حديس سابت عن النبي عليه الصلاة والسلام. انه قال التمسوها في ليلة السادس والعشرين. النبي عليه الصلاة والسلام قال

لها طب ينفع خمسة وعشرين؟ ده المحدثين كلهم اصلا على ان - 00:09:41

ليلة القدر ليه بخمسة وعشرين. حاجزين كلهم عشان كده الشيخ الالباني رحمه الله. كان بيقول هي خمسة وعشرين ليه؟ عشان

حديس النبي عليه الصلاة والسلام نزل القرآن لاربع وعشرين خلايلة من رمضان - 00:09:51

يعني اربعة وعشرين يوم عدوا. اربعة وعشرين يوم عدوا يعني دخلنا في ليلة خمسة وعشرين. اه يعني يوم الاربع الجاي ده يوم

عشرين رمضان. امال احنا بنقول ليلة واحد وعشرين بالليل؟ ما هو - 00:10:01

بنهاية يوم الاربع تبدأ ليلة ايه؟ الليل بيبجي قبل النهار. في ليلة خمسة وعشرين ده قول المحدثين اصلا. طب ليه السبعة وعشرين؟

ده قول جمهور الفقهاء. وقول ابن عباس انها ليلة سبعة وعشرين قولوا واحدا. طب ليلة تسعة وعشرين النبي عليه الصلاة والسلام قال

التمسوها في اخر ليلة من رمضان. وياما جت في ليلة تسعة وعشرين. يعني العلامات - [00:10:11](#)

النبي عليه الصلاة والسلام قالها لنا طب خلاص يبقى هي في الوتر بقى ما لناش دعوة بالزوج الزوجي عندنا فيه مشكلتين. مشكلة في بداية الشهر ان في احيان وده بيحصل ان وتلاقي مسلا - [00:10:31](#)

الدولة دي صامت النهاردة والدولة دي صامت بكرة. ما انتش عارف هو مين فيهم الصح! هو فيهم حد صح وحد غلط. ما انتاش عارف مين فيهم الصح. اللتين. فقال لك ان احيانا في بلد بتصوم - [00:10:41](#)

وهي حاسبة رمضان في بدايته مش صاحي اصلا. فيبقى الليلة الوترية اللي انت قاعد تصلي فيها اصلا هي الزوجية. والزوجية الوترية. قال لك والمشكلة الثانية الخطيرة لو رمضان ثلاثين يوم - [00:10:51](#)

النبي عليه الصلاة والسلام قال التمسوها في تاسعة تبقى في سابعة تبقى في خامسة تبقى. فقال لك هنا بقى الموضوع اتقلب تماما. لو النبي قال انت في ليلة التاسع والعشرين او في ليلة الواحد والعشرين غير تاسعة الطبقة. قال لك تاسعة الطبقة ده يعني باقي على ما رمضان ينتهي تسع ليالي. قال لك لو رمضان ثلاثين يوم - [00:11:01](#)

قم تاسعة تبقى هي ليلة اثنين وعشرين. طب لو لو رمضان تسعة وعشرين يوم هي ليلة واحد وعشرين. يعني ايه؟ يعني يعني تاسعة تبقى ممكن تبقى ليلة اثنين عشان لو رمضان ثلاثين يوم. سابعة تبقى دي ليلة اربعة وعشرين. لو رمضان ثلاثين يوم. خامسة تبقى ليلة ستة وعشرين. لو رمضان ثلاثين يوم. فقال لك لو رمضان - [00:11:21](#)

ثلاثين يوم ودي حاجة ما حدش يعرفها. ما حدش يعرفها مهما فلكيا قالوا لنا رمضان الرسول عليه الصلاة والسلام قال ان هو صوموا لرؤيته وافطروا لرؤيته. يعني معنى كده ايه؟ معناها - [00:11:41](#)

العشرة الاواخر من رمضان كلهم ليلة قدر يا جماعة. ليلة قدر. النبي عليه الصلاة والسلام كان بيعتكف العشر الاواخر ليه؟ ليه؟ لان ليلة القدر لها حرم. طب النبي كان يعتكف في - [00:11:51](#)

قل بس طب يعتكف بالنهار ليه؟ طب النهار كان يخرج ويشوف معاشه عشان النبي عليه الصلاة والسلام يعلمنا الفتن خطافة. ما احنا ياما خرجنا بالنهار وسبنا الليل حصل ايه؟ تخرج تقع في - [00:12:01](#)

قلبك يسود تحرم منه. تخرج تدوخ ترجع تنام بالليل ما تلحش غير انك توتر وخلص. تخرج يحصل مشكلة قلبك يتعلق بها تفضل واقف بتصلي بالليل ودماغك مش في دماغك بقى خلاص. دماغك بقى برة لا لا لا لا ليلة القدر دي امبزي. امبزي انا ما وريش حاجة غير اصابة ليلة القدر. عشان - [00:12:11](#)

من اكبر المشاكل اللي بتحصل. واللي لازم ربنا يتوب على الامة منها. فكرة الاحتفالية بليلة القدر ليلة سبعة وعشرين رمضان كل سنة. في الاعلام بتاع العالم العربي ده كلام خطير يا جماعة انتم ليه بتختزلوا سبعة وعشرين؟ انتم بتدمروا مستقبل ناس بهذه الحركة. دي من اخطر البدع اللي موجودة في الامة. من اسوأ البدع اللي موجودة في - [00:12:31](#)

الامة الاحتفال السنوي بليلة القدر ليلة سبعة وعشرين. ليه؟ لانك انت كده انت كده بتوه الناس. انت كده كانك انت رسخت عند العوام اللي مش عارفين حاجة ان هي ليلة سبعة وعشرين. والكلام ده مش صح - [00:12:51](#)

كل الليالي فيها اقوال ابن حجر جاب ستة واربعين قول في ليلة القدر. ستة واربعين قول وفي علماء جابوا خمسين قول في ليلة القدر. يبقى في هذه الحالة وما ادراك ما ليلة القدر! انت ما انتاش عارف هي فين ولا انت تقدر تقدر عظمة مقامها! طب ربنا اخفاها ليه؟ طب ليه بلقاء النبي عليه الصلاة والسلام لما يتنحى الرجل ان رفع - [00:13:01](#)

ليلة القدر. النبي عليه الصلاة والسلام قال وعسى ان يكون خير. يعني يعني تخفى اه عشان بقى اصل الليلة دي معمولة للاوائل. الليلة دي معمولة للسابقين. ابو بكر ابو بكر الصديق قعد في جلسة الضحى. فالنبي عليه الصلاة والسلام عمل امتحان فجائي. من اصبح منكم اليوم صائما؟ انا تبع جنازة. انا عاد مريضا انا اطعم مسكينا انا. ده احنا لسة - [00:13:21](#)

جلسة الضحى ابو بكر وقعد جلسة الضحى بحجة وعمره وجاي من قيام ليل وصلى الفجر جماعة فهو في ذمة الله. وصلى سنة الفجر خير من الدنيا وما فيها انتباه اول ساعة في اليوم لسة ايه بيطلع الاول. دا ابو بكر لسة ما طلعتش الرابع. عليه الصلاة رضي الله عنه

وارضاها. يعني لو انت جيت الضهر بقى وسألت ابو بكر هتزهل بقى عقلك هيطير - [00:13:41](#)

يعني ده ده لسه في جلسة الضحى وده كل اللي هو عمله. امال بقى راح تبع اللي صلى على الجنائز وتبعها لحد البقيع ورجع كمل جلسة الضحى. وهو في الطريق - [00:14:01](#)

عبدالرحمن ابن عوف مريض ولقى واحد مسكين تصدق عليه بقرصة خارج يدور على حد ده انسان قناص في الحياة. انسان عشان كده صحف السابقين ربنا وصفها تاعب لي قلبي يا جماعة. الوصف ده واجع لي قلبي. يعني يعني لولا ان الواحد عارف ان ده سداد وتوفيق من الله. مش قصة علو همة بس. ده ده فتح من الله. لما - [00:14:11](#)

ربنا وصف صحب السابقين فقال يشهده المقربون. يشهد يعني صحيفة السابقين دي مش يقرأوا يشهدوا مشاهد. يقول لك ده بيشارك مسلسلات يعني ايه المسلسل اتسمى مشاهد دراما اكشن آا كان هيقتلها ومش عارف وطلعت بتكلم مين من ورا ايه وكان راح آا فوجئ ان حصل ايه - [00:14:31](#)

ايه ومش عارف فجأة حصل ايه مشاهد خطف حبس دم. دراما خطف خاطفينك من من مشهد لمشهد او صحف السابقين كده اصبح صائما تبع جنازة عاد مريضة اطعم مسكينا. صلى سنة الفجر صلى الفجر قعد جلسة الضحى انطلق في الدعوة الى الله. صحف السابقين مليانة اعمال عظيمة - [00:14:51](#)

من عمل لعمل لا يكل لا يسأم الانسان من دعاء الخير. هم بقى لا يسأموا من دعاء آا ومن طلب الفردوس الاعلى. ومن السعي الى رضا الله سبحانه وتعالى بالعمل الصالح. عارفين سعد بن قيسمة هي دي بقى فرسان العشر الاواخر. هي دي العشر الاواخر بيربوا على الفروسية. عشان كده ربنا اغفل ليلة القدر. عشان نجيب اخرنا في - [00:15:11](#)

العشر الاواخر السبب الوحيد الارضي للفوز بليلة القدر والاعتكاف. اي حاجة غير كده هي مخاطرة باخطر ليلة في حياتك. انت بتخاطري باخطر كلنا في حياتك هتعتكف بقى في اوضتك آا مع بس لازم يكون مع حد بيشحجك. يعني ما تعتكفش لوحده لازم جو تشجيع وفي مكان ما تخرجش منه. ده ده زي - [00:15:31](#)

النبي عليه الصلاة والسلام لما احتجر حصيرا. يعني جاب حصيرة وعملها اوضة كده وقعد فيها عشر تيام. يخرج يصلي الجماعة مع اصحابها ويرجع على الاوضة بتاعته. عليه الصلاة والسلام مرة اخرى - [00:15:51](#)

لا يوجد سبب ارضي للفوز بليلة القدر الا الاعتكاف. بعد كده توفيق ربنا بقى ومن قبل ومن بعد طبعا توفيق الله وسداد الله سبحانه وتعالى للانسان انما ايه السبب اللي ناخذ به هو الاعتكاف. لان الليلة دي اخطر ده صفحة القرآن بميت ختمة. ده ليه؟ ما هو خير من الف شهر. اضرب بقى كل حاجة - [00:16:01](#)

يعني تخيل كده صفحة حرف القرآن بمليون حسنة. صفحة القرآن بميت ختمة قرآن. انت طب انت تخيل دعاء ليلة القدر ده شكله ايه؟ مكاملة صلة رحم في ليلة القدر دي بميت الف مكاملة بقى. تخيل انت انت بتتعامل ازاى في هذه الليلة والله يضاعف لمن يشاء. سبحانه وتعالى وربنا يعلم المجاهدة بتاعة الانسان - [00:16:21](#)

رمضان السنة دي غير اي رمضان قبل كده. رمضان السنة دي فعلا محتاج مجاهدة وفيه جو وحدة وما فيش فيه الجو الجماعي قوي. فدور على صحبة صالحة. دوري على صحبة - [00:16:41](#)

تصالحة ان تقوموا لله مثني هذا يعني هذه لحظات فارقة في حياة كل واحد مننا. من ضمن حكم الله العظيمة والخير اللي ربنا اراده بنا في اخفاء موعد ليلة القدر. التدريب على الفروسية في الدين. الفروسية في العبادة. زي ابو بكر الصديق كده. نموزج بطل من الابطال زي سعد ابن - [00:16:51](#)

هو وابوه خيثة خارجين غزوة بدر. النبي كان بياخد راجل واحد من كل بيت. عليه الصلاة والسلام. فابوه بيقول له دعها له. طبعا النبي هيختار سعد ابن خيسم هيختار الشاب الصغير - [00:17:11](#)

في القوي مش هيختار الراجل الكبير. اللي مش هيقدر يقاتل زي الشاب. فابوه بيقول له عشان خاطري سيبها لي. عشان خاطري. عشان خاطري عديها لي انا. سعد ابن خيثة قال له - [00:17:21](#)

ان كان غير الجنة لاثرتك. لو كانت انا انا في الجنة بيقول لك انا في الفلوس ما اعرفش ابويا لا سعد ابن خسارة بيقول انا في الجنة ما اعرفش ابويا. انا في الفردوس الاعلى ما اعرفش ابويا - [00:17:31](#)

لو كان غير الجنة لاثرتك به. الا الجنة لو كان غير ليلة القدر لاثرتك به. تدريب على الفروسية دي. التدريب على هذه البطولة. قال الله عز وجل يا شباب يا اخواني اخواتنا في الله قال الله عز وجل وله الدين واصبا. يعني ايه لو الدين واصبا؟ فيها اقوال من ضمن الاقوال الوصب التعب - [00:17:41](#)

طب والنصب والاجهاد؟ يعني الدين فيه مجهود. اللي عايز يوصل للمقامات العليا لازم يتعب لازم ينصب. عشان كده الله سبحانه وتعالى يقول فاذا فرغت فانصب. مش فاذا فرغت فاكثب فانصب يعني هنصب ده طب ليه لفر النصب يا رب؟ يعني ده احنا عايزين نقول للناس ان الدين سهل والدين لزي لآ اللي عايز المقامات العليا لازم يوطن نفسه على - [00:18:01](#)

التعب والاجهاد. والمؤمن اذا ارتاح غفل. والنعيم لا يدرك بالنعيم. واللي هيتعب مع ربنا ربنا هيربحه بعد كده في كل حاجة. احنا بنتعب فترة من المجاهدة زي النخلة كده جريد يعور الايديين والرجلين والصدر. بعد كده الرطب الشهد بقى. بعد كده بتوصل للزة الطريق الى الله سبحانه وتعالى. اعظم لحظات حياتك - [00:18:21](#)

لحظات المجاهدة في العبادة. اعظم لحظات حياتك. الواحد ساعات يفكر كده. يا رب سيدنا ابراهيم اجعل على كل جبل منهن جزءا. طالع جبل نازل جبل يا رب طب ما كان - [00:18:41](#)

يرمي الاربع طيور قدامه ويدبحهم ويقطعهم ويقوموا له تاني وكانت خلاص هي نفس الابية. لا انت مش عايز حاجة عالية لازم تدفع التمن. اطلع بقى الجبال وانزل الجبال لانك انت عايز مقامات عالية. ما لا لا يؤتها الا من يستحقها - [00:18:51](#)

طب يا رب الايام والليالي اللي قضاها يطلع جبال وينزل جبال كان يستغلها في الدعوة الى الله. ده الداعية الاول في العالم. قلبك قلبك لو صلح ربنا هيفتح لك الدنيا - [00:19:06](#)

دي كلها. لو ربنا فتح قلبك لنوره ونفحاته ربنا يفتح لك كل الابواب المقفولة في حياتك. عشان كده لحظات العبادة دي اخطر لحظات في حياتك العاملين لدين الله عبادتهم بتضيف اعمار الى عمرهم في الدعوة. بتضيف حكمة الله الى خطواتهم وسداد خطواتهم في الطريق. بتضيف - [00:19:16](#)

قدرة الله ومعية الله الى طاقتهم وقدرتهم في الطريق. حياة الانبياء حياة مواورة بالمجاهدات. نواره حياة مليانة مجاهدات. طب يا رب سيدنا داود يقعد من الفجر للمغرب يسبح ليه؟ يا رب ده وراه جهاد ووراه بناء فلسطين ووراه عالم ومن اهل الخطوة خطوته بسنة. بيروح يفتح بلد بتفتتح - [00:19:36](#)

في يوم اليوم اللي عبده ده كان يقعد هو لول اليوم اللي عبده ده ما كانش ربنا سخر له الدنيا كلها. اليوم اللي عبده ده سر بركة حياته. لحظات المجاهدة في العبادة - [00:19:56](#)

هي اعظم لحظات حياتك. اعظم لحد ما تلاقي قلبك. يعني ايه تلاقي قلبك مش تلاقي ايمانك زاد. تلاقي الاعمال اللي تزود ايمان قلبك. لحد تبغى تفهم بوصلة قلبك فين لحد ما ربنا يمكن لك جوة قلبك. لحد ما ربنا يصلح الوصلة المقطوعة اللي بين قلبك وبين القرآن - [00:20:06](#)

بين قلبك وبين الذكر وبين قلبك وبين الدعاء. يعني ما هو وظيفة الداعية ايه؟ وظيفة الداعية عامل زي الجراح بالظبط. لما كنا نقف في استقبال مستشفى الطوارئ فيجي واحد ربنا يحفظنا - [00:20:26](#)

اتقطع ايده اتقطععت. فجده بقى شقين ما عادش موصول ببعض. نقوم احنا نجيب خطة جراحة ونوصل الشقين ببعض ونقول له تعالى بعد اسبوع. يبجي بعد اسبوع نشيل بعد ما الشقين اتوصلوا ببعض الف سلامة ما عدش لنا دعوة بك. اهو بالزبط وزيفة الداعية كده ان الوقت بقى قلب الانسان في شق والقرآن في ناحية تانية - [00:20:36](#)

كلام الدعاء هو زي الخيط بتاع الجراح بيوصل قلبك بالقرآن وبالذكر والدعاء. لحد ما انت خلاص قلبك بقى موصول بالقرآن خلاص كل سنة وانت طيب. خلاص عشان كده النهاردة في العشر الاواخر فطقق مسح. طقق مسح يعني ايه؟ ما لكيش مساحة في حياتي.

ما لكش مساحة. انا قلبي ده ميت جيجا. الساعة بتاعة - 00:20:56

قلبي والمشاعر والعواطف والاحوال القلبية ميت جيجا. الميت جيجا دول بقى انا ممكن اديهم للاسماء الحسنى ممكن اديهم للقرآن للدعاء ممكن اديهم لحب رسول الله طب كل دنيا بتدخل خدت مساحة. بالزبط كده لما تكوني عايزة تاخدي صورة مسلا بالموبايل فيلاقيه يقول لك لا الميكروفون - 00:21:16

لازم تمسحي حاجة عشان تدخل في حاجة. مين بقى الساذج اللي يمسح دين عشان يدخل دنيا؟ لا لا لا مسح الف سلامة. ما عدش لك مساحة في قلبي. انا قلبي ده - 00:21:36

قل ميموري لله والاسماء الحسنى والدعاء والقرآن والسنة وحب الرسول وشغل الجنة والحياة مع الدار الآخرة. وحياة القلب مع الله فول ميموري امل انما الدنيا في قلبي في ايدي. انت ممكن تيجي هنا. انما الهارد ديسك بتاع القلب ده ما فيش مكان فيه. طفق مسح مسحها من حياته. لان ما لهاش مساحة في حياته. آ آ - 00:21:46

وما ادراك ما ليلة القدر الله اخفى هذه الليلة العظيمة اخفاها ليه؟ عشان نتدرب على الفروسية عشان نتدرب على البطولة زي سيدنا يوسف قعد عشر سنين في يا رب مصر كلها على الكفر في الوقت ده. يا رب اخواته محتاجين حد يهديهم. يا رب اعضا ضايع. يا رب خرجه يشتغل في الدعوة. قعد عشر سنين في السجن - 00:22:06

خرج غير النظام بتاع مصر في عشر دقائق. ليه؟ خارج كتلة نور. خارج واحد بيتكلم نور. يبقى يبقى اعظم اوقات حياتك في العبادة. اوعى لو انت داعي من الدعاء تقول لا لا لا وقت العبادة ووقت الوقفات السنوية الجهادية في العبادة. زي رمضان وعشر زي الحجة لا لا دي اولى بها شغل. اوعى تقول هذا الكلام - 00:22:26

ده اولى حاجة في الوقت ده وصل قلبك بالقرآن. ادركوا اللحظة الفارقة. فرسان العشر الاواخر. انت مش هتفهم في سنة النبي عليه الصلاة والسلام اكثر من النبي عليه الصلاة والسلام نفسه. النبي امتى ترك العشرة الاواخر للجهاد؟ لما كان بقى في فتح مكة. لما كان فيه بقى انما يعني ما سوى ذلك احنا محتاجين - 00:22:46

كويس جدا جدا. هنعتكف ازاى؟ هنعمل ايه؟ يعني دي قضية قضية حياء او موت. قضية وصول الى الله قضية علاقتنا بالقرآن قراءتنا للقرآن بصدر خالي. ان احنا نقرا القرآن واحنا مستعدين لتلقي وحي الله وانوار القرآن واشارات القرآن العظيمة - 00:23:06

اللي اتغير حياتنا كلنا وتبدل حياتنا كلنا. آ وما ادراك ما ليلة القدر ليلة القدر ليلة خير من الف شهر. خير من الف شهر عبادة يعني خير من الف رمضان - 00:23:26

خيرى الف شهر نهارهم صيام وليل وقيام خير من الف شهر جهاد خير من الف شهر عمل صالح نقلة هو يعني يعني ده ايه؟ اول حاجة ده معناه ان القرآن ليلة مع - 00:23:36

القرآن احسن من الف شهر مع الليبرالية والعلمانية والديموقراطية والمزاهب الارضية ليلة مع القرآن بتوفر اعمار. البشر تايهين بقى لهم مئات سنين يمشوا شوية وشوية ورا ماركس وشوية ورا اه لينين وشوية ورا الفيلسوف الفلاني وشوية ورا وشوية - 00:23:46

كل شوية ثلاثين اربعين سنة يمشوا يتخبطم يرجعوا يقولوا لا لا ده احنا نغير المدرسة. احنا هنمشي بقى ورا المدرسة الفلانية. ليلة القدر خير من الف شهر. احسن من فرد من الزمن ليلة مع القرآن واستخراج روشتات الانارة في الحياة من القرآن. ليلة القدر خير من الف شهر. بتقول لها ربنا كريم قد ايه؟ ربنا بيدينا نفحات قد ايه - 00:24:06

هو ربنا ممكن يدي كده! هو انا ممكن واحد ييجي يشتغل عندي! ليلة ادي له مرتب قرن يعني واحد بياخد مسلا معه مسلا مرتب خمس تلاف جنيه في الشهر مسلا يعني في الشركة بتاعتي. يعني في السنة ستين الف يعني في المية سنة ستين الف في مية -

00:24:26

ستميت الف بستة مليون. يقاومها الى بقى الليلة دي الليلة دي بس. بس يعني مش الشهر بخمس تلاف جنيه. الليلة دي بستة مليون جنيه. ايه يا عم انت بتتكلم بجذ ولا ايه - 00:24:43

هو ربنا بيتعامل معنا كده ربنا كريم اوي. اطيب واحد تاخذ منه ربنا اسهل واحد تاخدي منه ربنا. اسهل والله العظيم ركعتين يغيروا

لك حياتك بس اعرفي بس ادعيه صح. اعرفي اجمعي قلبك وبكائك بين ايديه صح. اعرفي توسلي اليه صح اكبر سبب لاجابة الدعاء هو الاجتهاد في الدعاء وكثرة الدعاء - [00:24:53](#)

ودي من مكاسب الاعتكاف الخطيرة. خير الفوز بليلة القدر. التعود على الفروسية في العبادة. ارتباط القلب بالقرآن والتفرغ للمجاهدة من اجل احساس بالقرآن علو الهمة في العبادة واوارد الخلوة مع الله وما ادراكم ما ثمار العبادة والذكر التدرب على علو الهمة في الدعاء - [00:25:13](#)

التدرب على الاوراد والخطوط الحمراء الاساسية يوميا بانتزام معسكر جبار. لا يفتنا ادركوا اللحظة الفارقة. انا مش عايز اطول عليكم اكثر من كده. نهوا كلها اعرفوا يا اخواني واخواتي في الله ان اول ليلة من العشرة الاواخر يوم الاربع بالليل. يعني اللي هيبدا الاعتكاف على سنة النبي عليه الصلاة والسلام. آآ - [00:25:33](#)

اما يوم الاربع الفجر عشان يبقى النبي عليه الصلاة والسلام كان بيدخل بعد الفجر يوم عشرين عشان يبقى طول النهار قاعد مستريح ومستني ليلة واحد وعشرين. زي ما النبي كان - [00:25:53](#)

كده يوم التروية قبل عرفات. طب وهو رايح يوم التروية يعمل ايه؟ يوم التروية ما فيش فيها اعمال اصلا. خالص. يريح ويكون قريب من عرفات عشان عرفات يبقى صح. فتخلوا بقى النبي - [00:26:03](#)

مع ليالي العشر الاواخر زي ما اتعمل مع عرفات كده. يبقى يوم الاربع من بعد الفجر يبدأ الاعتكاف يا اما من بعد العصر. يبدأ الاعتكاف باذن الله سبحانه وتعالى قلو الهمة طبعا اعتكاف في زمان كورونا غير اعتكاف مرض كورونا. اعتكاف في هذه الايام انك انت بقى وعيلتك بقى والعكوف او انت بقى ومن ييسر الله - [00:26:13](#)

لك والعقوب في عبادة ربنا دي اعزم مليون مرة. مليون مرة من انك انت تعتكف والمساجد مفتوحة والدنيا كلها اعتكافات الزمان وما عبد الله في زمان الفتن بمسل حسن الظن في الله. انك تتواصل بالله وقلبك يفضل موصول بالله والدنيا في الفتن دي حاجة عظيمة عند الله سبحانه وتعالى - [00:26:33](#)

هيبدا الاعتكاف يوم الاربع ان شاء الله باذن الله من اول المغرب الاربع بالليل يعني هتبقى ليلة واحد وعشرين ان شاء الله باذن الله شوفوا بقى العيد بيقول انه يوم الاحد فلكيا. يعني انتم عندكم - [00:26:53](#)

خميس وجمعة وسبت. يعني رمضان آآ ثلاثين يوم السنة دي تقريبا فلكيا رمضان ثلاثين يوم السنة دي فلكية. ثلاثين يوم يعني يعني الوتر زي ما النبي قال تاسعة طب يعني السنة دي ممكن يبقى الوتر هو الزوجي. لان رمضان تماما ثلاثين يوم. رمضان تام ما هواش تسعة وعشرين يوم. ما فيش مخاطرة في الكلام ده - [00:27:07](#)

ما فيش نشان في رمضان الامر اخطر من نشان المسلمين يفضل طول السنة بعيد ويقول لك في رمضان بقى هظبط وبعد كده في رمضان يستطول الموضوع في العشرة الاواخر اظبط يبجي العشرة الاوائل - [00:27:27](#)

في الليالي الوترية هظبط في الليالي الوترية هي اللي لسه سبعة وعشرين. يبجي ليلة سبعة وعشرين يقول لك في التهجد هظبط. التهجد يطول يقول لك دعاء التهجد وبعد كده كل سنة وانت - [00:27:37](#)

طيبين بقى ان شاء الله تهجد ليلة سبعة وعشرين السنة اللي بعدها نتقابل. ده كلام! ده كلام في ليلة خير من الف شهر. اللهم اجعلنا من الفائزين بليلة القدر هذا العام - [00:27:47](#)

اللهم اجعلنا من الدعاة اليك الى ليلة القدر هذا العام. اللهم استعملنا في ايقاظ الامة وحث الامة على عبادتك في عشر الاواخر من رمضان هذا العام. اللهم استعملنا ولا تستبدل بنا. اللهم استعملنا ولا تستبدل بنا. اللهم بلغنا ليلة القدر هذا العام واجعلنا فيها من

الفائزين - [00:27:57](#)

واجعلنا فيها من الموفقين الراشدين. اللهم ارزقنا علو الهمة في عبادتك وذكرك وشكرك وحسن عبادتك في العشر الاواخر من رمضان هذا العام اللهم ما انزلته على عبادك الصالحين في العشر الاواخر من رمضان من فتح ونصر ومدد ونور وبركة وحفظ فاجعل لنا من -

[00:28:17](#)

واعظم حظ ونصيب يا رب العرش الكريم. يا كريم يا من جعلت ليلة خير من الف شهر. يا من جعلت ليلة خيرا من الف شهر. يا اكرم
الاکرمين يا من صببت الخير صبا يا من اعطيت نبيك الكوثر بكرمك ومنك وبرك يا اكرم الاكرمين. اللهم عاملنا بكرمك - [00:28:37](#)
واحسانك وبرك يا بر يا رحيم. اللهم عاملنا بعطائك ولطفك وودك يا اكرم الاكرمين. اللهم يا رحمن يا صمد اللهم اجعلنا من فائزين
بنفحات ورحمات وعطاءات العشر الاواخر من رمضان. هذا العام اللهم اجعلنا من الفائزين بليلة القدر هذا العام. اللهم اجعلنا -

[00:28:57](#)

ممن يوقظون الامة في في العبادة والاجتهاد في العشر الاواخر من رمضان هذا العام. اللهم امين اللهم امين. يلا يا رجاله اليومين ثلاثة
اللي جايين اللي قبل يوم الاربع نجتهد ان احنا نعرف الدنيا كلها بالعشر الاواخر وميعادهم هيبدأوا من اول الاربع ان شاء الله بازن الله
والاربع بالليل اول ليلة وتريه. ونجتهد في ان احنا نستعد ونجهز - [00:29:17](#)
ونشوف هنعتكف ازاي فتح الله عليكم. سبحانك اللهم وبحمدك. اشهد ان لا اله الا انت. استغفرك واتوب اليك - [00:29:37](#)